




ՀԱՅԱՍՏԱՆՅԱՅՑ ԱՌԱՔԵԼԱԿԱՆ ԵԿԵՂԵՑԻՆ ԱՆԴԱՄԱԿՑՈՒՄ Է ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻՆ

1962 թվականի ապրիլ 26 թվակիր գրությամբ, Վեհափառ Հայրապետը դիմել էր Եկեղեցիների Համաշխարհային Խորհրդին, Հայաստանյայց Առաքելական Եկեղեցու անդամակցության խնդրանքով:

Սույն թվականի օգոստոսի 7—17-ին, Փարիզում, Սիտե Ունիվերսիտետի Միջազգային տանը գումարվում են Եկեղեցիների Համաշխարհային Խորհրդի Կենտրոնական Հանձնախմբի նիստերը, ի ներկայության բոլոր անդամների, պաշտոնական դիտորդների և թղթակիցների:

Վեհափառ Հայրապետի բարեհաճ կարգադրությամբ, սույն ժողովին որպես դիտորդ մասնակցում է Հայաստանյայց Առաքելական Եկեղեցու պատվիրակությունը, որի կազմում էին Արևմտյան Եվրոպայի հայոց Հայրապետական պատվիրակ և Ֆրանսիայի հայոց առաջնորդ գերաշնորհ Տ. Սերոփքե եպիսկոպոս Մանուկյանը, Վրաստանի թեմի հայոց առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը և Մոսկվայի հայոց հոգևոր հովիվ հոգեշնորհ Տ. Պարգև վարդապետ Գևորգյանը:

Ժողովում լսվում են կրոնական և եկեղեցական բնույթի մի շարք բանախոսություններ և զեկույցներ:

Եկեղեցիների Համաշխարհային Խորհրդի Կենտրոնական Հանձնախումբը իր օգոստոսի 11-ի նիստում քննություն է առնում 7 եկեղեցիների և կրոնական համայնքների, այդ թվում Հայաստանյայց Առաքելական Եկեղեցու, Վրացական Ուղղափառ Եկեղեցու, Մկրտչական Ավետարանական Քրիստոնեական Միության Եկեղեցու (ՄՄՈՄ), Էստոնական Ավետարանական Լութերական Եկեղեցու, Լատվիական Ավետարանական Լութերական Եկեղեցու և Հարավային Աֆրիկայի Ավետարանական Լութերական Եկեղեցու դիմումները:

Օգոստոսի 11-ի նիստը բացում է ընդհանուր քարտուղար դոկտ. Վիսսեր դ' Զոֆտը, դիմող յուրաքանչյուր Եկեղեցու և համայնքի մասին պատմական ծանոթություններ տալով:

Եկեղեցիների Համաշխարհային Խորհրդի Կենտրոնական Հանձնախմբի օգոստոսի 11-ի նիստում միաձայն անդամ են ընդունվում վերոհիշյալ 7 եկեղեցիները և կրոնական համայնքները:

Ըստ Եկեղեցիների Համաշխարհային Խորհրդի կանոնադրության, Կենտրոնական Հանձնախմբի սույն որոշումը կուղարկվի Եկեղեցիների Համաշխարհային Խորհրդի ան-

դամ բոլոր եկեղեցիներին ի քննություն և ի նաստատում, որից հետո 6-ամսվա ընթացքում կհաղորդվի դիմող նոր եկեղեցիներին բնդունելության մասին պաշտոնական հաղորդագրություն:

Եկեղեցիների Համաշխարհային հորհրդին անդամակցության համար դիմում էր կատարել նաև Անթիլիասի Կաթողիկոսությունը Փարիզ, ժողովին ուղարկելով իր ներկայացուցչին, հանձին հոգեշնորհ Տ. Գարեգին վարդապետ Սարգսյանի:

Մայր Աթոռի պատվիրակները հարմար են գտնում օգոստոսի 10-ին մի հայտարարություն անել եկեղեցիների Համաշխարհային հորհրդի Փարիզի նստաշրջանի դիվանին, շեշտելով, թե Հայ եկեղեցին մեկ է ընդ հոգեւոր գերագահությանը և իշխանությանը Ս. Էջմիածնի և նվիրապետական Աթոռները ունեն իրենց իրավասությանը սահմանները, պաշտականորեն նվիրագործված: Այդ հայտարարության ներքև ստորագրում է նաև Անթիլիասի ներկայացուցիչ Տ. Գարեգին վարդապետ Սարգսյանը:

Ահա օգոստոսի 11-ի այդ հայտարարության բովանդակությունը.

«Ս. Էջմիածնի Կաթողիկոսության և Կիլիկիո Կաթողիկոսության պաշտոնական դիտողները իրենց անդամակցության դիմումները ներկայացնելու պահուն կուզեն հայտնել հետևյալը.

Երկու դիմումագիրներու ներկայացումը պետք չէ թողու այն տպավորությունը, որ երկու տարբեր, անշատ եկեղեցիներ կդիմեն անդամակցության համար եկեղեցիներու Համաշխարհային հորհուրդին: Հայաստանյայց եկեղեցին մեկ է, ընդ հոգևոր գերակայությանը էջմիածնի Ամենայն Հայոց Կաթողիկոսին: Երկու Կաթողիկոսությունները ունին իրենց հատուկ եկեղեցական իրավասության սահմանները, անկախ գոյավիճակով: Կիլիկիո Կաթողիկոսությունը կձանջ-

նա էջմիածնի Կաթողիկոսությունը որպես նախամեծար Աթոռ:

Ներկայի դժվարությունները երկուքին փոխհարաբերության մեջ ժամանակավոր նկարագիր ունին և մենք կհավատանք, որ մոտավոր ապագային կշքանան:

Երկու պատվիրակությունները պիտի գործակցին իրենց մասնակցությունը բերելու միութենական շարժումին ընդհանրապես և Եկեղեցիներու Համաշխարհային հորհուրդի գործին մասնավորապես:

Հայաստանյայց Առաքելական Եկեղեցու պատգամավորության սույն հայտարարությունը թեև հրապարակվում է ընթերցվում է եկեղեցիների Համաշխարհային հորհրդի կենտրոնական հանձնախմբի օգոստոսի 11-ի նիստում, սակայն այնուամենայնիվ ժողովը ընդունում է նաև Անթիլիասի դիմումը, իրեն առանձին անդամ-եկեղեցու դիմում:

Եկեղեցիների Համաշխարհային հորհրդի կենտրոնական հանձնախմբի օգոստոսի 11-ի նիստում հրավիրվում են նոր անդամ ընդունված եկեղեցիների ներկայացուցիչները իրենց ողջույնի և շնորհակալական խոսքն ասելու:

Գերաշնորհ Տ. Սերոբեյ Եպիսկոպոս Մանուկյանը, հանուն Ամենայն Հայոց Վեհափառ Հայրապետի և Հայաստանյայց Առաքելական Եկեղեցու, խոսք է առնում, շնորհակալություն հայտնելու եկեղեցիների Համաշխարհային հորհրդի կենտրոնական հանձնախմբին Հայ եկեղեցու անդամակցության համար, շեշտելով, որ «Հայաստանյայց Առաքելական Եկեղեցին քրիստոնյա ամենահին եկեղեցիներից մեկն է իր ուրույն դավանանքով, ավանդություններով և ծեսերով: Ուրախ է Հայաստանյայց Առաքելական Եկեղեցին, որ այսուհետև մաս է կազմում Եկեղեցիների Համաշխարհային հորհրդի ընտանիքին, իր գործակցությունը բերելով քրիստոնեական հավատի տարածման:

